

## **Te Pānui Pāpaho a ScreenSafe / SWAG**

### **Te Kaupapa Whakangungu Kauuananu Ngaiōtanga**

#### **Ngā Rā Awheawhe 2020**

#### **Huitanguru 2020**

---

E rikarika katoa ana a ScreenSafe / SWAG ki te whakapāoho i te whakarewatanga o Te Kaupapa Kauuananu Ngaiōtanga - he kaupapa i hangaia, i whakatinanatia ai e ScreenSafe me SWAG, ā, he mea tautoko-ā-pūtea, nā te Tumu Whakaata Taonga me Te Māngai Pāho.

He mea whakahiato Te Kaupapa Kauuananu Ngaiōtanga hei taunaki i Ngā Aratohu Hauora me te Waiora e pā ana ki te whakaito, ā, he whakautu hoki tēnei ki ngā urupare nō roto mai i te momoho o ngā whakamātauranga awheawhe. Ka whakatauria e tēnei akoranga, ngā āraitanga whakaito, whakaweti anō hoki, ngā whakamāramatanga, ngā tautuhinga, ngā puakanga me ngā whanonga kauuananu i roto i te wāhi mahi. Ahakoa kua whakaritea mā ngā Kaihautū, ngā Kaitohu me ngā Ūpoko Wāhanga Mahi, e tūwhera ana ki ngā momo tāngata katoa i te rāngai whakaata.

E 20 ngā akoranga ka whakaterehia i te tau 2020, ā, ka tīmata i te marama o Poutūterangi ki Tāmaki Makaurau. E whakatenatena a ScreenSafe me SWAG i te katoa o te hunga kei tūranga takohanga e noho ana kia whai wāhi mai ki ēnei akoranga. Hei whakamōhio atu, ka utua katoatia ngā awheawhe tuatahi e rima i te motu, e Tumu Whakaata Taonga me Te Māngai Pāho kia kore ai e aukatihia te whai wāhi mai a ngā kaimahi ki tēnei kaupapa whakahirahira.

Kei raro iho nei ngā rā awheawhe e tū mai ana, ā, ka whakairihia anō ki ngā paetukutuku o ScreenSafe me SWAG. Ka whakawhiwhia ki ngā kaiuru katoa, he tiwhikete Whakangungu Kauuananu Ngaiōtanga

#### Ngā Rā Awheawhe 2020

Rāhoroi 7 o Poutūterangi, Tāmaki Makaurau

Rāmere 20 o Poutūterangi, Te Whanganui a Tara

Rāmere 7 o Haratua, Tāmaki Makaurau

Rāmere 8 o Haratua, Tahuna

Rāmere 22 o Haratua, Ōtautahi

Wā: 9am - 5pm

Wāhi: Ka īmērahia ngā taipitopito ki a koe hei te wā e mana ai tō tūranga.

E whiwhi tūranga ai koe, tukuna mai ngā taipitopito i raro nei ki a [workshops@screenguild.co.nz](mailto:workshops@screenguild.co.nz)

Te rā me te wāhi e tū ai te awheawhe:

Ingoa (Kamupene (mēna e hāngaiana):

Ingoa tūranga:

Īmēra:

Waea pūkoro:

*Hei whakamōhiotia atu, e 40 anakē ngā tūranga e wātea ana, nā reira kia hohoro te tāpui tūranga mōu.*

Tuia atu ki Te Kaupapa Whakangungu Kauuananu Ngaiō, ka whakaritea te kōnae ako, te putu raraunga me ngā rauemi e whai ake nei, i roto i ngā marama ruarua e heke mai nei.

1. Ka whakaterehia e ScreenSafe me SWAG te Kōnae Kauuananu i runga ipurangi mai i te 1 o Paengawhāwhā, hei whakatau i ngā take whakaito, whakaweti anō hoki. E whakatenatenahia ana ngā kaimahi katoa i te rāngai whakaata kia whai wāhi mai ki te akoranga ipurangi nei.
2. E māmā ai te whānga atu, ka whakairihia he putu raraunga e tohu ana i te hunga kua oti i a rātau te Kōnae Kauuananu, ki te pae tukutuku o ScreenSafe. Ka whakatinanatia tēnei hei te marama o Pipiri 2020.
3. Kua oti ēnei rauemi e whai ake nei, te whakairihia ki ngā pae tukutuku o ScreenSafe/SWAG: He Tikanga Ārai Whakaito, he puka ripoata, me pēhea te whiwhi puakanga, ngā hononga taunaki, ngā whakamāramatanga kaimahi me ngā pānui whakaahua.

E tautokona ana ngā mahi katoa kua oti i a ScreenSafe me SWAG, e ngā kāhui, ngā kaiwhakawhiwhi pūtea me ngā tōpūtanga katoa o te rāngai whakaata. Ka whakatenatenahia ngā Ūpoko Wāhanga Mahi katoa kia tauawhi, kia whakatairanga i ngā akoranga katoa, me te whakamahi i ngā rauemi, e koke whakamua ai tātau tahi, e haumaru anō ai te rāngai whakaata, e pai ake ai hei wāhi mahi mō te katoa.

Ki te hiahiatia ētahi atu kōrero āpiti mō te ārai whakaito, tirohia i [www.screensafe.co.nz](http://www.screensafe.co.nz), me [www.swag.org.nz](http://www.swag.org.nz). Mehemea he pātai āu, whakapā atu ki a Kelly Lucas - ScreenSafe/ Screen Industry Guild i [workshops@screenguild.co.nz](mailto:workshops@screenguild.co.nz)

## HE AHA TE MEA NUI O TE AO? HE TANGATA, HE TANGATA, HE TANGATA.

*What is the most important thing in the world? It is people, it is people, it is people.*

There is no hierarchy to  
respect.